

Zbirka medijskih objava

VladaBrckoDistrikta_kliping_dnevno,
za razdoblje 26. 8. 2020

Broj objava: 11

Internet: 2

Televizija: 1

Štampa: 8

Teme praćenja:

Vlada Brčko Distrikta: 2

Gradonačelnik: 0

Skupština Brčko: 0

Brčko: 9

Vlada Brčko Distrikta:

Internet	Naslov	Brčko: Burgić demantuje - dostavili smo Prijedlog pravilnika 19. avgusta		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 25. 8. 2020		
	Autor	Unknown		
	Teme	Vlada Brčko Distrikta		

Internet	Naslov	Brčko: Počela izgradnja puta u naselju "Prutače" - Radio Brčko distrikta BiH		
Serijski br. 2	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 25. 8. 2020		
	Autor	Unknown		
	Teme	Vlada Brčko Distrikta		

Brčko:

Štampa	Naslov	Бијељина домаћин младим мировњацима		
Serijski br. 1	Medij; Doseg	Semblerske novine; , Bosna i Hercegovina	Stranica: 23	Površina: 399 cm ²
	Rubrika, Datum	Aktuelno; 20. 8. 2020		
	Autor	M. R.		
	Teme	Brčko		

Televizija	Naslov	Koronavirus u BiH		
Serijski br. 2	Medij; Doseg	Radio televizija Bosne i Hercegovine; , Bosna i Hercegovina	19:00	Trajanje: 1 min
	Rubrika, Datum	Dnevnik; 25. 8. 2020		
	Autor	Unknown		
	Teme	Brčko		

Štampa	Naslov	Izvesna obnova zanatskog centra u Brčkom		
Serijski br. 3	Medij; Doseg	Euro Blic; , Bosna i Hercegovina	Stranica: 23	Površina: 95 cm ²
	Rubrika, Datum	Regioni; 26. 8. 2020		
	Autor	C. K.		
	Teme	Brčko		

Štampa	Naslov	Gudeljevićeva ovlaštena da potpisuje ugovore		
Serijski br. 4	Medij; Doseg	Nezavisne novine; , Bosna i Hercegovina	Stranica: 5	Površina: 34 cm ²
	Rubrika, Datum	Događaji; 26. 8. 2020		
	Autor	D. S.		
	Teme	Brčko		

Štampa	Naslov	Nastavnici neće biti testirani prije početka škole		
Serijski br. 5	Medij; Doseg	Nezavisne novine; , Bosna i Hercegovina	Stranica: 6	Površina: 241 cm ²
	Rubrika, Datum	Događaji; 26. 8. 2020		
	Autor	Anja Matarugić		
	Teme	Brčko		

Štampa	Naslov	"Brčko gas" izlazi na berzu		
Serijski br. 6	Medij; Doseg	Nezavisne novine; , Bosna i Hercegovina	Stranica: 12	Površina: 51 cm ²
	Rubrika, Datum	Ekonomija; 26. 8. 2020		
	Autor	Indikator		
	Teme	Brčko		

Štampa	Naslov	UKRATKO		
Serijski br. 7	Medij; Doseg	Poslovne novosti; , Bosna i Hercegovina	Stranica: 3	Površina: 55 cm ²
	Rubrika, Datum	Poslovne novosti; 26. 8. 2020		
	Autor	Unknown		
	Teme	Brčko		

Štampa	Naslov	Kada bi glasovali prognani Hrvati, moguće do načelnika Jajca, Broda...		
Serijski br. 8	Medij; Doseg	Večernji list; , Bosna i Hercegovina	Stranica: 4	Površina: 578 cm ²
	Rubrika, Datum	Aktualno; 26. 8. 2020		
	Autor	Krešić Zoran		
	Teme	Brčko		

Štampa	Naslov	U BiH preminulo 14 osoba pozitivnih na koronavirus, sve žrtve muškarci		
Serijski br. 9	Medij; Doseg	Večernji list; , Bosna i Hercegovina	Stranica: 8	Površina: 595 cm ²
	Rubrika, Datum	Aktualno; 26. 8. 2020		
	Autor	Vidačak Ljiljana		
	Teme	Brčko		



КАРАВАН МИРА ПУТУЈЕ ПО ГРАДОВИМА БОСНЕ И ХЕРЦЕГОВИНЕ

Бијељина домаћин младим мировњацима

Бијељина је била домаћин Каравана мира, иновативног интернетичког програма којим је омогућено младима из 16 локалних заједница из цијеле БиХ да посјете Сарајево, Тузлу, Бијељину, Брчко и Добој и разговарају са локалним активистима, али и експертима у области изградње мира.

Осим Бијељине, у оквиру овог програма, 20 младих и перспективних активиста, путујући аутобусом, на мапи пута на који су кренули из Сарајева, прво су се зауставили у Тузли. Из Тузле су дошли у Бијељину, након боравка у нашем граду посетиће још два града, Брчко и Добој, а онда се поново враћају у Сарајево. Како би упознали локалне активисте и невладине организације које уводи позитивне друштвене промјене у својим локалним заједницама

-Кроз радионице и дискусије млади ће стећи нова знања и радиће на међусобном разумијевању и умрежавању, али

помогне младим људима да размишљају о проблемима у друштву и то не само да размишљају, већ да и активно



и учинити много на стварању позитивних промјена у својим локалним заједницама", појашњава главна координаторка пројекта Сабина Скендеровић Буквић, истакавши да је циљ овог пројекта да

раде на њиховом рјешавању. Теме су актуелне, попут еколошких проблема, незапоулености и одласка младих, а у Бијељини, гдје их је у Хотелу „Долина“ угостило удружење „Сигуран корак“, говорило се

и о маргинализованим групама. -Жеља је да млади остану у овој држави и активно се укључе у изградњу љепше државе у којој могу сви остварити своје жеље", рекла је Сабина Скендеровић Буквић.

Једна од учесница каравана је и 23-годишња Валерија Ереш из Радишића, мјештаца смјештеног недалеко од Љубушког.

-Јако ми је драго што су организатори окупили људе из различитих крајева Босне и Херцеговине, људе различитих позадинских прича и на тај начин обогатили све нас који учествујемо у Каравану мира", каже Валерија, која у Мостару студира математику и информатику, а у слободно вријеме ради на подручју дигиталног маркетинга.

Пелка Јовић има 21 годину, из Пожарнице је, а на Универзитету у Тузли студира

специјалну едукацију и рехабилитацију.

-Мислим да ми као млади људи можемо постићи велике промјене како у својим локалним заједницама, тако и шире", наглашава Пелка, која се на Караван мира пријавила како би упознала нове људе и путовала кроз БиХ, јер воли дружења и путовања.

Деветнаестогодишњи Мирза Мујичић Јовић је из Градашца.

-Изазов ми је овај караван, јер нам пружа могућност да имплементирамо своје идеје. Иначе, сва моја очекивања су испуњена и драго ми је да упознајем младе из различитих дијелова БиХ", каже Мирза.

Караван мира финансира Амбасада Сједињених Америчких Држава у Босни и Херцеговини, а имплементирају га удружења Биг Бен и Центар за развој образовних и културних ресурса из Тузле.

М.Р.


Brčko: Burgić demantuje - dostavili smo Prijedlog pravilnika 19. avgusta



Perica Burgić, šef Odjeljenja za poljoprivredu, demantovao je danas navode da novi prijedlog Pravilnika o podsticajima u poljoprivredi nije dostavljen Vladi Brčko distrikta, kako je to u nedjelju izjavio gradonačelnik Siniša Milić.

"Prijedlog Pravilnika o podsticaju poljoprivredne proizvodnje kandidovan je na sjednicu Vlade u srijedu, 19. avgusta u 10:24 časova i navodi gradonačelnika od 23. avgusta, da pravilnik nije dostavljen, nisu tačni", rekao je Burgić u izjavi za eBrčko.

Koronavirus u BiH



Brčko: Počela izgradnja puta u naselju "Prutače" - Radio Brčko distrikta BiH

Danas započinje izgradnja puta u naselju „Prutače“ u dužini od 320 metara, čija je ukupna vrijednost 100.000 maraka, a direktno se odnosi na poboljšanje životnih uslova Roma na području Distrikta.



„Cijeli posao se finansira akumuliranim sredstvima Ministarstva za ljudska prava i izbjeglice BiH, te brčanske Vlade, a realizacija se, kroz državne procedure i prikupljanje sredstava, čekala još iz perioda 2014-2016. godina“, rekao je šef Odjeljenja za izbjegla, raseljena lica i stambena pitanja brčanske Vlade, Petar Vrhovac.

Inače, rok za završetak, danas započetih radova, je trideset dana.

Vrlo brzo, kada je zbrinjavanje romske populacije u Distriktu po srijedi, počće i projekat obnove sedam kuća za koje je završeno otvaranje ponuda.



Petar Vrhovac

“Otvorene su ponude i za obnovu sedam kuća romskih porodica koje su, ovoga puta, svojom vrijednošću izvođenja radova, prihvatljive za ukupni budžet od 500.000 maraka, koliko je brčanska Vlada izdvojila za ove namjene”, precizirao je Vrhovac.

Inače, od nedavno je **Brčko** Distrikt uključen i u novi pilot projekat na nivou BiH, zajedno sa opštinom Kakanj, a tiče se takozvanog mapiranja odnosno prikupljanja podataka o stambenom i infrastrukturnom zbrinjavanju Roma.

To, po riječima Petra Vrhovca, zahtijeva angažovanje i drugih odjeljenja brčanske Vlade, s ciljem prikupljanja preciznih podataka o broju, te potrebama Roma za stambenim zbrinjavanjem kao i poboljšanjem uslova u naseljima gdje borave kad je riječ o putnoj, elektro, kanalizacionoj i vodovodnoj mreži.

I ovaj pilot projekat, finansira se iz sredstava Ministarstva za ljudska prava i izbjeglice BiH.



Distrikt

Izvesna obnova zanatskog centra u Brčkom



NAKON ŠTO JE rebalansom budžeta obezbeđeno dodatnih 60.000 KM očekuje se da uskoro počne rekonstrukcija zanatskog centra u **Brčkom** za koji je ranije izdvojeno 240.000 KM. Jelena Duvnjak, vršilac dužnosti direktora Kancelarije za upravljanje javnom imovinom, kaže da bi taj novac trebao biti dovoljan za rekonstrukciju za koju je projekat urađen još 2015. godine.

Obnova Zanatskog centra podrazumeva zamenu betonskih ploča kamenim, uređenje pristupnih staza i stepeništa koji vode do lokala, postavljanje oborinske kanalizacije i rasvete.

- Nedavno je prekinut raspisani postupak javne nabavke za izbor najpovoljnijeg izvođača radova, jer se ponude nisu uklapale u izdvojeni budžet. Očekujemo odluku o tome i odmah ćemo raspisati novi tender. Nadam se da ćemo za dva meseca imati ponuđača - rekla je Duvnjakova.

Zanatski centar u najužem delu grad čini pedesetak lokala različite namene u vlasništvu fizičkih lica. **C. K.** ■



SAVJET MINISTARA Gudeljevićeva ovlaštena da potpisuje ugovore



SARAJEVO - Ministarstvo civilnih poslova BiH identifikovano je kao nadležna institucija za zaključivanje okvirnih ugovora u sklopu Sporazuma o zajedničkoj nabavci zdravstvenih protivmjera, kojim se omogućava BiH učešće u EU nabavkama lijekova i medicinskih sredstava za sprečavanje širenja kovida-19.

Saopšteno je to juče nakon 26. vanredne telefonske sjednice Savjeta ministara BiH.

"Ministarka civilnih poslova BiH Anika Gudeljević ovlaštena je da u ime BiH, a na osnovu iskazanih potreba Republike Srpske, FBiH i Brčko distrikta, potpisuje okvirne ugovore u sklopu Sporazuma o zajedničkoj nabavci zdravstvenih protivmjera", navodi se u saopštenju.

Kako se dodaje, ako jedan od entiteta ili Brčko distrikt ne iskaze zainteresovanost za određenu nabavku, ministarka civilnih poslova će potpisati okvirni ugovor koji će se odnositi na entitet, odnosno Brčko distrikt, u zavisnosti od toga ko je iskazao zainteresovanost.

D.S.



Za 24 sata u BiH registrovano 297 slučajeva zaraze virusom korona

Nastavnici neće biti testirani prije početka škole

Prvih 28 dana biće pod velikim pritiskom kada su u pitanju nadzor nad epidemiološkom situacijom u školama, praćenje eventualne pojave virusa kod djece, ali i poštovanja svih propisanih mjera, rekao Zeljković

Anja MATARUGIĆ
anjam@nezavisne.com

BANJALUKA, SARAJEVO - U ovom trenutku nemamo opravdanje za testiranje nastavnog osoblja prije početka školske godine, nastavnici poštujte fizičku distancu, nose zaštitne maske i rizik od zaraze je minimalan, rekao je Branislav Zeljković, direktor Instituta za javno zdravstvo RS.

Zeljković je objasnio da je osoblje u predškolskim ustanovama prije otvaranja vrtića moralo da prođe testiranje, jer je drugačiji koncept predškolskih ustanova u odnosu na one školske.

"Mnogo je lakše objasniti

djeci osnovnoškolskog i srednjoškolskog uzrasta o važnosti pridržavanja mjera, a to nije moguće objasniti djeci predškolskog uzrasta", naveo je Zeljković.

**U FBiH
NOVOZARAŽENI
234 OSOBE,
U RS Njih
59, A U BRČKO
DISTRIKTU ČETIRI**

Istakao je da će prvih 28 dana od početka školske godine biti pod velikim pritiskom kada su u pitanju nadzor nad epidemiološkom situacijom, praćenje

eventualne pojave virusa kod djece, ali i poštovanja svih propisanih mjera.

"Institut će ove sedmice Ministarstvu prosvjete i kulture RS dostaviti materijal koji će biti distribuiran svim školama, i osnovnim i srednjim, kako bi daci i nastavno osoblje, kao i drugo školsko osoblje znali koje su to mjere koje moraju da poštuju", rekao je Zeljković.

**KORONA
ODNJELA
13 ŽIVOTA**



Apelovano na sve građane, a posebno na roditelje i djecu, da poštuju mjere
FOTO: V. TRIPIC

"Apelujemo na sve građane, a u ovom trenutku na roditelje i djecu da poštuju mjere koje je Institut predložio", zaključio je Zeljković.

Za 24 sata u BiH je, inače, registrovano ukupno 297 slučajeva zaraze virusom korona, od čega u FBiH 234, u RS 59, a u Brčku distriktu njih četiri.

Od posljedica virusa korona u BiH je juče preminulo 13 osoba, i to osam u FBiH i pet u RS.

U FBiH su preminula dva muškarca iz Bihaća, dva iz Cazina te po jedan iz Travnik, Zenice, Sarajeva i Doboja Istoka, dok je u RS preminulo pet muškaraca srednje i starije životne dobi iz Ugljevik, Šipova, Laktaša, Bijeljine i Rogatice.

Krivične prijave zbog 500 gostiju u tri kafića

Krivične prijave podnesene su nakon što je u tri kafića u RS zatečeno oko 500 osoba, rekao je Radovan Višković, premijer RS, pozivajući nadležna tužilaštva da procesuiraju te slučajeve.

Poručio je da neće dozvoliti da neodgovorno ponašanje pojedinaca ugrozi zdravlje drugih građana, koji se pridržavaju epidemioloških preporuka.

"Moramo sankcionirati neodgovorne da bismo zaštitili odgovorne i to ćemo raditi u narednom periodu. Ko god na to imao primjedbe, to je njegov problem", rekao je Višković.

Krizni štab Ministarstva zdravstva Kantona Sarajeva preporučio je osobama starija životne dobi, posebno hroničnim bolesnicima, da zbog situacije izazvane virusom korona izbjegavaju bespotrebna kretanja i korištenje javnog prevoza.

"Prema preporukama Kriznog štaba Federalnog ministarstva zdravstva, licima starije životne dobi se preporučuje i redovno korištenje zaštitne opreme, kao i da maksimalno redukuju odlaske u ordinacije kod porodičnog ljekara i u bolnice, ukoliko im nije prijeko potrebna zdravstvena zaštita", saopšteno je iz Ministarstva zdravstva Kantona Sarajeva.



MKD "Brčko gas" izlazi na berzu

BRČKO - "Brčko gas" penzionersko mikrokreditno društvo Banjaluka izašlo je na berzu, a njegovim akcijama moći će se trgovati od 26. avgusta 2020. godine.

Na Banjalučku berzu uvrš-



no je 3.100.000 akcija, nominalne vrijednosti od jedne KM (oznaka BGPM-R-A).

"Brčko gas" penzionersko mikrokreditno društvo odlučilo se otvoriti prema investitorima kra-



jem aprila te je s tim u vezi u junu promijenilo pravnu formu iz društva sa ograničenom odgovornošću u otvoreno akcionarsko društvo i potom dobilo sve potrebne preostale saglasnosti za izla-

zak na tržište kapitala. Osnovna djelatnost "Brčko gas" penzionerskog mikrokreditnog društva je kreditiranje penzionera koji primaju penziju preko Fonda PIO RS. Sa Fondom PIO RS društvo ima sklopljen ugovor iz 2017. godine, kojim je definisan povrat kreditnih sredstava kroz direktnu obustavu na isplatu penzija. Društvo obavlja djelatnost u sjedištu u Banjaluci, te filijalama u Prijedo-

ru, Dobroju, Bijeljini, Gradišci, Zvorniku, Modriči, Tesliću, Prnjavoru, Istočnom Sarajevu i Trebinju. Poslovna imovina Društva na dan 30. juna iznosila je 8,15 miliona KM, a kapital oko 3,95 miliona KM.

Društvo je u 2019. godini ostvarilo neto dobit u iznosu od 581.320 KM, a u prvom polugodištu 2020. poslovalo je u plusu 390.323 KM. (Indikator)



UKRATKO

❑ Na web stranici Evropske banke za obnovu i razvoj objavljen je početak tenderske procedure za nastavak radova na Koridoru Vc. Treći dio tenderske procedure podrazumijeva dio autoputa Mostar jug – tunel Kvanj dužine 9,2 km. Za tu dionicu EBRD je izdvojio 120 miliona KM, potvrdio je direktor Autocesta FBiH Adnan Terzić. U narednih 45 dana će biti raspisan cjelokupan tender.

❑ Premijer Tuzlanskog kantona Denijal Tulumović juče je otvorio 47. međunarodni sajam poljoprivrede i prehrambene industrije – sajam šljive u Gradačcu koji će trajati do 28. avgusta. Na sajmu proizvode i usluge predstavlja oko 150 izlagača iz BiH i zemalja regiona.

❑ **Brčko** Distrikt objavio je poziv za oslobađanje plaćanja zakupnina poslovnog prostora.

❑ Britanski lanac supermarketa Tesco saopštio je da će otvoriti dodatnih 16.000 stalnih radnih mjesta kako bi podržao izuzetan rast online prodaje, a mogao bi čak i da poveća broj pozicija, jer je trgovanje na internetu eksplodiralo usljed mjera zatvaranja zbog korone.



PRIJAVE DO 1. RUJNA

Prijavni obrazac i preslike osobnih dokumenata do 1. rujna treba dostaviti na adresu SIP-a BiH, e-mailom ili faksom, **dok će u Mostaru prijava birača izvan zemlje biti moguća do 6. listopada**

Da bi uopće mogli glasovati izvan zemlje, birači se moraju prijaviti kako bi dobili izborni materijal



1 Ako su nakon rata otišli iz zemlje, moraju dostaviti presliku osobne, putovnice ili vozačke te jedan od dvaju prijavnih obrazaca



2 Status izbjeglice Ako ne posjeduju dokumente BiH, izbjeglice trebaju dostaviti izbjeglički karton, osobnu državu u kojoj se sada nalaze



3 Mostar iznimka Zbog posebnog termina izbora, građani podrijetlom iz ovoga grada imat će mogućnost prijave za glasovanje mjesec dana dulje

Kada bi glasovali prognani Hrvati, moguće do načelnika Jajca, Broda...

Zoran Krešić

Hrvatski narodni sabor BiH i hrvatske stranke u BiH pozvale su bosanskohercegovačke Hrvate izvan domovine da se prijave najdalje do sljedećeg utorka kako bi mogli glasovati na lokalnim izborima predviđenim za 15. studenog, dok pak rok za prijavu birača s područja Grada Mostara istječe 6. listopada jer se jedino izbori u ovoj jedinici lokalne samouprave održavaju posebno - 20. prosinca. Središnje izborno povjerenstvo pri upućivanju poziva za prijavu biračima navelo je i koje su pogreške najčešće pravili oni koji su se prijavljivali za glasovanje.

Veliki potencijal

Dosadašnja iskustva govore kako su dostavljane preslike nevažećeg dokumenta: putovnica, osobnih iskaznica, vozačke dozvole ili pak skeniranih ili kopiranih nekompletnih osobnih dokumenata jer moraju biti skenirane ili kopirane obje strane osobnih dokumenata. Pogreške su bile česte i kod popunjavanja obrazaca PRP1 ili PRP2 jer nisu bili potpisani ili pak potpis nije odgovarao potpisu na osobnom dokumentu. Prema toj informaciji, popunjen obrazac prijave, kao i dokument



koji se prilaže, zajedno treba biti dostavljeno Središnjem izbornom povjerenstvu BiH na adresu: Izbori u Bosni i Hercegovini / Poštanski pretinac 451 / 71000 Sarajevo / Bosna i Hercegovina. Može se poslati telefaksom na sljedeće brojeve: +387 33 / 251-333 i +387 /

33 251-334 ili pak elektroničkim putem na e-mail: prijavapp@izbori.ba. Ove prijave odnose se na osobe koje privremeno borave izvan BiH ili pak one koje imaju status izbjeglice. Ove osobe mogu dostaviti i važeću osobnu ispravu izdanu od zemlje domaćina

te izbjeglički karton izdan od vlade zemlje domaćina ili druge međunarodne organizacije ili putovnicu te vozačku dozvolu. Oni moraju dostaviti i presliku uvjerenja o državljanstvu BiH ne starije od šest mjeseci ili važeću putovnicu BiH te dokaz o prebivalištu u BiH, što može biti preslika potvrde prebivališta ili preslika osobne iskaznice u cijelosti iz 1991. godine ili iz razdoblja od popisa do razdoblja stjecanja statusa izbjegle osobe. Ako pak ta osoba ne posjeduje ovaj dokument, bit će upisana u središnji birački popis za općinu u kojoj je imala prijavljeno prebivalište na popisu pučanstva iz 1991. godine. Izbjeglice koje su već bile upisane na posljednjim izborima dostavljaju samo popunjen obrazac i presliku valjanog dokumenta. Državljanima Bosne i Hercegovine koji se prijavljuju za glasovanje u Distriktu Brčko BiH moraju označiti odgovarajuću biračku opciju na temelju entitetskog državljanstva FBiH ili RS-a. Ako pa to ne označe, neće im se moći dostaviti glasački materijal! S obzirom na to da na lokalnim izborima odlučuje mnogo manji broj glasova, upravo bi ovi izvan zemlje mogli presuditi za lokalne sredine. Po-najprije u onima gdje su Hrvati prije rata činili značajan broj ili

pak većinu, a tijekom sukoba ili nakon Daytonskog sporazuma njihov broj značajno je smanjen. Procjene govore da je u Hrvatskoj oko 200.000 Hrvata koji potencijalno mogu ostvariti glasačko pravo u BiH, a glasuje tek mali broj. Pokazalo se to i na popisu pučanstva iz 2013. godine, no ne i u izbornome procesu. Posebno važne za Hrvate u Republici Srpskoj, gdje bi mogli i osvojiti vlast, jesu Bosanski Brod, Derventa, Vukosavlje, gdje su Hrvati imali značajan udio u broju stanovništva.

Središnja Bosna

Uz područja Posavine, glasovi Hrvata izvan zemlje mogli bi značajno podebljati brojke u središnjem dijelu Bosne i Hercegovine te u Usori i Žepču. Bio bi to značajan vjetar u leđa posebno zajedničkim kandidatima HNS-a BiH u općinama Novi Travnik, gdje je kandidat Stjepan Dujo, zatim u Jajcu, gdje je kandidat Anto Brtan, ili pak Busovači sa Stipom Krištom na čelu, Travniku s Goranom Pejakovićem ili Daliborom Matićem u Fojnici. Hrvatskim strankama neće biti nevažni ti glasovi i u sredinama gdje je ovaj narod u većini, posebice tamo gdje bi HDZ-ov monopol mogle ugroziti druge stranke.



Od početka epidemije u BiH prijavljeno je 560 smrtnih slučajeva osoba pozitivnih na SARS-CoV-2

U BiH preminulo 14 osoba pozitivnih na koronavirus, sve žrtve muškarci

Ljiljana Vidačak

Nadležne entitetske institucije u BiH priopćile su da je u razdoblju od 24 sata 13 osoba preminulo od posljedica koronavirusa, sve su osobe muškog spola. Zavodu za javno zdravstvo FBiH prijavljeno je osam smrtnih ishoda. Preminula su dva muškarca iz Bihaća, dva iz Cazina te po jedan iz Travnik, Zenice, Sarajeva i Doboja Istoka. Institutu za javno zdravstvo RS prijavljeno je pet smrtnih slučajeva, muškarci srednje i starije životne dobi iz Ugljevika, Šipova, Laktaša, Bijeljine i Rogatice.

Službeni podaci

Koronavirus je smrtonosniji za pripadnike jačeg spola, potvrđuju podaci iz cijelog svijeta, pa i iz BiH. U BiH je od početka epidemije koronavirusa prijavljeno 560 smrtnih slučajeva osoba kojima je testiranjem potvrđena infekcija virusom SARS-CoV-2. Ukupan broj smrtnih ishoda na području FBiH je 305, od čega je 198 osoba muškog (65%) i 107 osoba ženskog spola (35%). U dobnoj skupini od 20 do 45 godina zabilježeno je sedam smrtnih ishoda, od 45 do 65 godina 88 i starijih od 65 godina 210. U RS prijavljeno je ukupno 237 smrtnih slučajeva od kojih su 155 muškarci, a 82 žene. Dakle, od 542 smrtna slučaja u FBiH i RS, 353 su osobe muškog spola, a 189 ženskog. Preostalih 18 od 560 smrtnih ishoda odnosi se na Brčko. Spomenimo da je u razdoblju od 24 sata prijavljeno 297 novih slučajeva zaraze u BiH. Zavodu za javno zdravstvo FBiH prijavljena su 234 nova slučaja pozitivna na SARS-CoV-2.

Novi slučajevi registrirani su u svim županijama. U Klinici za infektivne bolesti SKB-a Mostar preminuo je muškarac iz Ljubuškog rođen 1946. Ovaj slučaj nije uvršten u izvješće ZZJZ. Na bolničkom liječenju je 35 bolesnika, od kojih su četiri na respiratoru i jedan na kisiku. U HNŽ 40 je novooboljelih, 13 iz Mostara, 8 iz Konjice, 7 iz Čitluka, 6 iz Stoca, 4 iz Prozora-Rame, 1 iz Jablanice i 1 iz Čapljine. U ZHŽ registrirane su 34 novooboljele osobe, u Širokom Brijegu 16, Posušju 12, Ljubuškome 5 i Grudama jedna. U FBiH je aktivno 3006 slučajeva. U RS je koronavirus potvrđen kod još 59 osoba. Hospitalizirano je 250 pacijenata. U Brčkom su registrirana četiri nova slučaja.

Liječenje plazmom

Odluka američkih vlasti da se za liječenje koronavirusa koristi krvna plazma izazvala je reakciju u cijelom svijetu. Još po izbijanju pandemije pojedini su sugerirali ovakav način liječenja. I u Hrvatskom zavodu za transfuzijsku medicinu u komori stoji spremna plazma nekoliko pacijenata koji su preboljeli COVID-19 i potom donirali plazmu, ali još nije upotrijebljena u kliničkoj primjeni. Odgovor na to trebaju li se i pacijenti u BiH liječiti ovom terapijom te hoće li, mediji su potražili u Zavodu za transfuzijsku medicinu FBiH.

Naime, Zavod za transfuzijsku medicinu radi na razvijanju transfuzijskog protokola za prikupljanje konvalescent plazme. Formirana je radna skupina koja bi provodila potrebne aktivnosti, ali tek nakon odobrenja Federalnog ministarstva zdravstva

i uključivanja kliničara. "Zavod raspolaže aparaturom koja je redovito servisirana, kadrom koji bi trebao manju dodatnu edukaciju, informacijskim sustavom i prostorom za skladištenje prikupljene plazme u rashladnim uređajima s reguliranom temperaturom. Da bi se u Zavodu provelo prikupljanje plazme donora koji su preboljeli koronavirus i oporavili se, dodatno su potrebni i namjenski setovi za prikupljanje plazme", izjavila je ravnateljica Zavoda za transfuzijsku medicinu FBiH Jasminka Kurilić za Klix.ba.

I dok se čeka cjepivo i lijek za koronavirus znanstvenici iznose svoje teorije o tome što nas čeka. Pa tako doktor medicinske mikrobiologije, virolog Šukrija Zvizdić, ne misli da će s hladnijim vremenom doći do značajnog pogoršanja epidemiološke slike, kako to mnogi smatraju. "Činjenica da najavljuju crnu i opasnu jesen nepotrebno je strašenje stanovništva. Ne mogu istu stanicu zaraziti dva različita virusa, ne može se sjediti na dvije stolice istodobno", kaže Zvizdić. Najesen će se ovaj novi koronavirus definitivno udružiti s gripom, no Zvizdić kaže da maskama, održavanjem distance i higijene ujedno sprječavamo i jedno i drugo. ●



BROJ smrtnih ishoda u FBiH je 305, od čega je 198 osoba muškog (65%) i 107 osoba ženskog spola (35%)



DO SADA **JE** u RS-u preminulo 237 osoba kod kojih je potvrđen test na koronu, 155 muškaraca, a 82 žene



U Bosni Hercegovini do 25. kolovoza potvrđeno je 18.326 slučajeva zaraze koronavirusom. Od toga u Federaciji BiH 11.101, u Republici Srpskoj 6945 te Distriktu Brčko 280



Do sada se u BiH od zaraze koronavirusom oporavila 12.081 osoba, od čega je u FBiH oporavljeno 7790 pacijenata. U FBiH je aktivno 3006 slučajeva pozitivnih na SARS-CoV-2

